



**Kalaallit Nunaanni aalisarnermi pisarineqartut isumalluutininik atuineranut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut.**

(Aningaasaqarnermut Nunamullu Nammineranut Tunngassutilinnut Naalakkersuisoq)

(Siullermeerneqarnera)

Demokraatit Aningaasanut Inatsit siullermeerneqarmalli sinerissap qanittuani qaleralinniarnermi akitsuutit peerneqarnissaannut politikikkut anguniakkatut eqqortinnissaa sulissutigisimavaat.

Ilisimaneqareersutut aalisarnermi isumalluutininik atuineranut akitsuut, maannakkut naalakkersuisooqatigiinnit eqqunneqarpoq. Tamanna pivoq 2017-imi ukiaanerani ataatsimiinnermi.

Iluarisimaarparput, partiit taakku akitsuummut isumartik allanngortissimammassuk, Demokraatillu assigalugit peerneqarnissaanik kissaateqalernerat 2022-mut Aningaasanut Inatsisip qanittukut isumaqatigiissutigineratigut.

Ilisimaneqartutut Demokraatit kissaatigaat, Kalaallit Nunaanni inuuniarneq, najugaqarneq suliffeqarfinnillu ingerlatsineq akikinnerulissasoq. Anguniakkamut tassunga una siunnersuut naapertuuppoq.

Siunnersuut taamatut oqaaseqaateqarluta akuerisassatut innersuussutigaarput Aningaasaqarnermut-aamma Akileraartarnermut ataatsimiitaliami tuaviortumik suliarineqarnissaa innersuussutigalugu.